



Broj: 04 -1815 -2/23

Datum: 03.10.2023. godine

Na osnovu člana 17. tačka f. Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23 i 19/23), člana 27. tačka d) Statuta Zavoda za zapošljavanje Brčko distrikta BiH – prečišćen tekst (br.04-111/20 i 04-1372/20), i člana 17. stav (4) Pravilnika o mjerama za podsticaj zapošljavanja – prečišćen tekst (br. 04-115/20 i 04-170/23), a u skladu s Odlukom Vlade Brčko distrikta BiH o usvajanju Programa samozapošljavanja na području Brčko distrikta BiH u 2023. godini (broj: 13-001859/23, broj akta: 01.11-0323SR-010/23 od 09.08.2023. godine), Upravni odbor Zavoda za zapošljavanje Brčko distrikta BiH, na svojoj Osmoj redovnoj sjednici, održanoj dana 02.10.2023. godine, donosi Odluku (br.04-1815/23), da se objavi

JAVNI POZIV

za prijavu po Programu samozapošljavanja na području Brčko distrikta BiH u 2023. godini

1. SVRHA PROGRAMA / JAVNOG POZIVA

Javni poziv za prijavu po Programu samozapošljavanja na području Brčko distrikta BiH (u daljem tekstu: Javni poziv) ima za svrhu doprinos privrednom razvoju Brčko distrikta BiH kroz stvaranje uslova za samozapošljavanje i podizanje preduzetničkog duha, na području Brčko distrikta BiH.

2. KORISNICI PROGRAMA PO JAVNOM POZIVU

(1) Korisnici Programa samozapošljavanja na području Brčko distrikta BiH (u daljem tekstu: Program) mogu biti nezaposlena lica koja ispunjavaju opšte kriterijume iz ovog Programa, a koja su prošla obuku koja je organizovana po programima samozapošljavanja u 2014., 2015., 2016., 2017., 2018., 2019., 2020., 2021. ili 2022. godini i/ili uspješno prođu edukaciju iz oblasti preduzetništva po Programu samozapošljavanja u 2023. godini.

(2) Odjeljenje za privredni razvoj, sport i kulturu (u daljem tekstu: Odjeljenje) obezbijediće organizaciju i izvođenje edukacije za aplikante Programa navedene pod tačkom (1), poglavlja 2. ovog Javnog poziva, a koji su se prijavili na Javni poziv.

(3) Opšti kriterijumi za izbor korisnika Programa ove kategorije lica su:

- a) da lice ima prijavljeno prebivalište na području Brčko distrikta BiH, najkraće od 31.12.2019. godine;
- b) da se vodi evidenciji lica koja aktivno traže zaposlenje (do 23.01.2023. godine), odnosno na evidenciji nezaposlenih lica od 23.01.2023. godine, na Zavodu za zapošljavanje Brčko distrikta BiH (u daljem tekstu: Zavod), izuzev lica iz poglavlja 2. tačka (4) ovog Javnog poziva;
- c) da lice pokreće djelatnost iz oblasti proizvodnje, zanatstva i usluga (osim trgovine i ugostiteljstva).

(4) Korisnici Programa mogu biti i lica koja su registrovala poslovnu djelatnost u 2023. godini, do dana objavljivanja Javnog poziva po Programu.

(5) Broj lica koja će biti obuhvaćena ovim Programom biće usklađen sa raspoloživim sredstvima.

3. LICA KOJA NE MOGU BITI KORISNICI PROGRAMA

(1) U Programu ne mogu učestvovati:

- a) lica koja imaju suvlasničke dijelove u firmama,
- b) članovi upravnih i nadzornih odbora u javnim preduzećima i javnim ustanovama,
- c) lica protiv kojih se vodi krivični postupak,



- d) lica mlađa od 18 godina,
- e) lica ili članovi njihovog domaćinstva (suprug/a, djeca ili roditelji) koja su već koristila sredstva po programu samozapošljavanja, osim u slučaju da je ugovor o samozapošljavanju istekao i da lice koje ostvari podsticajna sredstva po ovom Programu neće obavljati istu djelatnost koju je obavljalo, to jest onu koju je obavljao neko od članova njegovog domaćinstva i za istu, takođe, ostvario podsticajna sredstva;
- f) lica koja su u periodu od 12 mjeseci prije objavljivanja Javnog poziva odjavila registrovanu djelatnost.

(2) Kriterijumi navedeni u poglavlju 3. tačka (1) ovog Javnog poziva su eliminatornog karaktera i zahtjevi koje podnesu gore navedena lica se neće uzimati u razmatranje.

4. SREDSTVA ZA REALIZACIJU PROGRAMA

(1) Ukupan iznos sredstava za realizaciju Programa iznosi 533.786,49 KM, a struktura finansijske konstrukcije je, kako slijedi:

- 500.000,00 KM obezbijeđeno je Budžetom Brčko distrikta BiH za 2023. godinu u Odjeljenju na ekonomskom kodu 614100- Tekući transferi drugim i istim nivoima vlasti, „Transfer Zavodu za zapošljavanje Brčko distrikta BiH za realizaciju Programa samozapošljavanja na području Brčko distrikta BiH“,
- 33.786,49 KM neutrošena sredstva po ranijim Programima samozapošljavanja, Zaključak Vlade Brčko distrikta BiH, broj predmeta: 13-001510/22, broj akta: 01.11-0323SR-020/23 od 28.04.2023. godine

(2) Sredstva za realizaciju Programa se dijele na sljedeći način:

- sredstva u iznosu od 90% (480.407,84 KM) su namjenjena za aplikante iz poglavlja 2. tačka (1) i (3) Javnog poziva,
- sredstva u iznosu od 10% (53.378,65 KM) su namjenjena za aplikante iz poglavlja 2. tačka (1) i (4) Javnog poziva.

Ukoliko sredstva po jednoj od predloženih lista ne budu u cijelosti utrošena, ista se mogu preusmjeriti na listu za koju postoji veće interesovanje aplikanata.

(3) Sredstva iz tačke (1) ovog poglavlja se dodjeljuju u skladu sa pravilima za dodjelu državne pomoći male vrijednosti (*de minimis* pomoć) na osnovu člana 6a Zakona o sistemu državne pomoći u Bosni i Hercegovini („Službeni glasnik Bosne i Hercegovine“, broj: 10/12 i 39/20).

5. REALIZACIJA PROGRAMA / JAVNOG POZIVA

Program će biti realizovan:

- (1) Javnim pozivom, koji je integralan, što podrazumijeva da se prijavom na Javni poziv aplikanti prijavljuju i na obuku iz oblasti preduzetništva s ciljem osposobljavanja za pripremu i izradu poslovnog plana, nakon koje slijedi izbor aplikanata koji imaju najbolje poslovne ideje, razrađene poslovnim planom.
- (2) Lica iz poglavlja 2. tačka (3) i (4) ovog Javnog poziva kao i lica koja su završila obuku u prethodnim godinama, moraju se prijaviti na Javni poziv. Lica iz poglavlja 2 tačka (4) ovog Javnog poziva, kao i lica koja su završila obuku u prethodnim godinama nemaju obavezu da prisustvuju obuci iz oblasti preduzetništva.
- (3) Javni poziv će biti objavljen petnaest (15) dana na web-stranici Zavoda.
- (4) Zavod će aplikante obavijestiti o terminu održavanja edukacije koja će trajati 9 dana (tri modula po tri dana), isključivo putem web-stranice Zavoda.
- (5) Aplikanti su u obavezi, nakon sprovedene obuke, u roku od sedam dana dostaviti poslovni plan Zavodu.



- (6) Aplikanti iz poglavlja 2. tačka (4) ovog Javnog poziva, kao i lica koja su završili/a obuku u prethodnim godinama, takođe imaju obavezu da dostave poslovni plan u roku od sedam dana od dana završetka edukacije.
- (7) Komisiju za ocjenjivanje (u daljem tekstu: Komisija), imenuje šef Odjeljenja, i čine je dva predstavnika Odjeljenja i jedan predstavnik Zavoda.
- (8) Komisija će donijeti Poslovnik o radu.
- (9) Komisija je dužna da, u roku od (trideset) 30 dana (od dana prijema poslovnih planova od strane Komisije), nakon dostavljanja poslovnih planova, razmotri i rangira prispjele aplikacije prema kriterijima koji će biti vrednovani u rasponu od 5 do 10 bodova, od strane svakog člana Komisije pojedinačno.
- (10) Kriterijumi na osnovu kojih će se vrednovati aplikacije su:
 - a) značaj projekta i njegov doprinos poboljšanju uslova za razvoj konkurentnosti, inovacija i preduzetništva – ocjena poslovne ideje;
 - b) vrsta djelatnosti;
 - c) doprinos projekta stvaranju uslova za zapošljavanje i mogućnost dodatnog zapošljavanja u naredne dvije godine;
 - d) ocjena biznis plana;
 - e) obezbijeđeno sufinansiranje projekta iz sopstvenih i drugih izvora kako novčano tako i materijalno;
 - f) obezbijeđena ekonomičnost projekta – održivost projekta;
 - g) sporazumi, predugovori za saradnju i posao, postojanje tržišta za djelatnost kojom se namjerava baviti.
- (11) Prioritet pri odabiru imaju aplikanti starosti do 30 godina.
- (12) Na osnovu navedenih kriterijuma, Komisija je dužna kreirati obrazac za vrednovanje pristiglih poslovnih planova.
- (13) Komisija sačinjava prijedloge liste o rangiranju aplikanata iz poglavlja 2. tačka (3) i liste aplikanata iz poglavlja 2. tačka (4) ovog Javnog poziva, koje će biti objavljene na oglasnoj tabli Zavoda i web-stranici Zavoda. Liste sadrže ime i prezime aplikanta, broj bodova i predložene iznose, a na predložene liste se može uložiti prigovor u roku od sedam dana od dana objavljivanja.
- (14) Prigovor se podnosi Upravnom odboru Zavoda, putem protokola Zavoda. Zavod će, svim članovima Komisije, dostaviti kopije prigovora, podnesenih u roku.
- (15) Nakon donošenja konačne odluke po prigovoru/ima, Komisija utvrđuje konačne liste rangiranih kandidata.
- (16) Nakon donošenja konačne liste rangiranih kandidata, Zavod s istima zaključuje ugovor o dodjeli novčanih sredstava za finansiranje po Programu samozapošljavanja u Brčko distriktu BiH.
- (17) Iznos sredstava po jednom projektu za aplikante iz poglavlja 2. tačka (3) ovog Javnog poziva ne može prelaziti iznos od 18.000,00 KM (slovima: osamnaest hiljada konvertibilnih maraka), a za aplikante iz poglavlja 2. tačka (4) ovog Javnog poziva, iznos od 12.000,00 KM (slovima: dvanaest hiljada konvertibilnih maraka).
- (18) Aplikanti koji podnose prijavu po Programu samozapošljavanja uz istu prilažu Izjavu o ispunjavanju uslova iz Javnog poziva.

6. NAMJENA I NAČIN ISPLATE ODOBRENIH SREDSTAVA

- (1) Sredstva su namijenjena licima koja pokreću djelatnost iz oblasti proizvodnje, zanatstva i usluga (osim trgovine i ugostiteljstva).
- (2) Sredstva po ovom Programu korisnicima sredstava mogu biti odobrena za :
 - a) nabavku opreme u 100 % iznosu od odobrenog iznosa,
 - b) troškove zakupa i uređenja poslovnog prostora u iznosu koji ne prelazi 30 % odobrenog iznosa,
 - c) nabavku repromaterijala u iznosu koji ne prelazi 30% odobrenog iznosa,
 - d) ostalo (sitan alat, certificiranje i sl.) u iznosu koji ne prelazi 40 % odobrenog iznosa.



(3) Sredstva po ovom Programu se ne mogu koristiti za upis u sudski registar preduzeća.

(4) Zavod može, nakon zaključivanja Ugovora i upisa u sudski registar, odabranim korisnicima isplatiti 30 % odobrenog iznosa, a preostali iznos nakon pravdanja odobrenih sredstava dostavljanjem odgovarajuće dokumentacije.

7. OBAVEZE KORISNIKA SREDSTAVA

Saglasno članu 5. Programa, te člana 26 Pravilnika Zavoda o mjerama za podsticaj zapošljavanja, korisnici Programa su dužni/saglasni da:

- a) korisnici Programa iz poglavlja 2. tačka (3), ovog Javnog poziva, da dvije godine poslije datuma izdavanja sudskog rješenja o osnivanju poslovnog subjekta aktivno obavljaju djelatnost za koju su registrovani, a korisnici Programa iz poglavlja 2. tačka (4), ovog Javnog poziva, da dvije godine poslije potpisivanja ugovora sa Zavodom aktivno obavljaju djelatnost za koju su registrovani,
- b) redovno izmiruju obaveze po osnovu poreza i doprinosa,
- c) ukoliko korisnik sredstava ne ispoštuje ugovorene obaveze, neće moći učestvovati u programima zapošljavanja koji se finansiraju iz Budžeta Brčko distrikta BiH u narednih pet godina,
- d) Zavod može, u skladu sa Zakonom o finansijskom poslovanju Brčko distrikta BiH, ugovoriti da mu korisnik sredstava preda neki od instrumenata obezbjeđenja ili da povrat sredstava obezbijedi na neki drugi način u skladu sa zakonom,
- e) ukoliko korisnik sredstava ne ispoštuje ugovorene obaveze, ima obavezu da vrati cjelokupan iznos dobijenih sredstava,
- f) rok u kojem sredstva moraju biti utrošena odrediće se ugovorom zaključenim između Zavoda i korisnika Programa.
- g) sve što nije definisano ovim Javnim pozivom, a može biti od značaja za uspješnu realizaciju Programa, regulisaće se ugovorom zaključenim između Zavoda i korisnika Programa.

8. ROK ZA PODNOŠENJE ZAHTEJEVA

- (1) Javni poziv počinje teći od 03.10.2023. godine i završava se 18.10.2023. godine i biće objavljen na web – stranici Zavoda.
- (2) Tekst Javnog poziva i prijavu sa priložima zainteresovana lica mogu preuzeti sa web stranice Zavoda zzzbrcko.org ili u Zavodu.
- (3) Prijava na Javni poziv (sa Izjavom), predaje se, lično, u Zavodu.
- (4) Dodatne informacije mogu se dobiti u Zavodu ili na telefon broj: 049/217-411 ili 049/233-661.
- (5) Neblagovremeno dostavljene prijave smatraće se nevažećima.
- (6) O rezultatima Javnog poziva aplikanti će biti obavješteni putem oglasne table i web stranice Zavoda.



Predsjednik Upravnog odbora

Blja Goričkić, dipl.oec. /